



LISTA KONTROLLUESE E PUNËDHËNËSIT PËR VETËVLERËSIM

PJESA 2:	RREZIQET NË PUNË
Tema 2.2.	PLUHURI DHE AGJENTËT KIMIKË
Nën-tema 2.2.1.	AGJENTËT KIMIKË
Ligji / rregulloret përkatëse:	• Ligji për kimikatet Nr.04/L–197; • Rregullore (MPMS) Nr.10/2017 për sigurinë dhe mbrojtjen shëndetësore e të punësuarve nga risqet që lidhen me agjentët kimikë në punë; • Rregullore (MPMS) Nr.04/2016 për kërkesat minimale për sigurimin e shenjave të sigurisë dhe shëndetit në punë; • Rregullore (MPMS) Nr.02/2016 për kërkesat minimale të sigurisë dhe shëndetit për përdorimin e pajisjeve personale mbrojtëse në vendin e punës; • Rregullore (EC) Nr.1907/2006 e Parlamentit Evropian dhe e Këshillit e 18 dhjetorit 2006 për Regjistrimin, Vlerësimin, Autorizimin dhe Kufizimin e Kimikateve (REACH) dhe krijimin e një Agjencie Evropiane të Kimikateve, duke ndryshuar Direktivën 1999/45/EC dhe duke shfuqizuar Rregulloren e Këshillit (EEC) Nr.793/93 dhe Rregulloren e Komisionit (CE) Nr.1488/94, si dhe Direktivën e Këshillit 76/769/EEC dhe Direktivat e Komisionit 91/155/EEC, 93/67/EEC, 93/105/EC dhe 2000/21/EC; • Rregullore (EC) Nr.1272/2008 e Parlamentit Evropian dhe e Këshillit e 16 dhjetorit 2008 për klasifikimin, etiketimin dhe paketimin e substancave dhe përzierjeve, e cila ndryshon dhe shfuqizon Direktivat 67/548/EEC dhe 1999/45/EC, dhe ndryshon Rregulloren (EC) Nr.1907/2006; • Rregullore e Komisionit (EU) 2015/830 e datës 28 maj 2015 për ndryshimin e Rregullores (EC) Nr.1907/2006 të Parlamentit Evropian dhe Këshillit për Regjistrimin, Vlerësimin, Autorizimin dhe Kufizimin e Kimikateve (REACH).
Shkurtesa:	• KEP – Klasifikimi, Etiketimi dhe Paketimi • PPM – Pajisje Personale Mbrojtëse • RVAKK – Regjistrimi, Vlerësimi, Autorizimi dhe Kufizimi i Kimikateve • LTS – Lista Teknike e Sigurisë • Substancat dhe përzierjet kimike – kimikate • MPMS – Ministria e Punës dhe Mirëqenies Sociale
Përdorimi i listës kontrolluese:	Nëse përgjigjeni “Po” në një pyetje, ju lutemi kaloni në pyetjen tjetër, në rast se përgjigjeni “Jo” bëni vërejtje se çka mungon për të përmbushur kërkesat ligjore.

Nr	Pika kontrolli	Po	Jo	Vërejtje për zbatimin
	PARA VIZITËS NË LOKACION / VENDET E PUNËS			
	<i>* Bëhuni gati për vizitën në lokacion - nëse nuk i mbani mend kërkesat tuaja të brendshme, udhëzimet për punën me kimikate dhe përzierje të rrezikshme (p.sh. Kuptimin e piktogrameve në etiketë, kërkesat për etiketim dhe paketim, rregullat), lexojini përsëri dokumentet për të qenë gati për vizitën në lokacion!</i> <i>* Verifikoni nëse të gjitha kimikatet e rrezikshme të përdorura në kompani kanë Dokumentet e të Dhënave të Sigurisë; nëse keni një listë të plotë të kimikateve në vendin tuaj të punës; nëse e dini se ku janë të vendosura, sa keni, si i përdorni, dhe kush është i ekspozuar ndaj tyre; a dini për rreziqet që paraqesin. Shënim: Përmbajtja e listës së kimikateve nuk është e rregulluar në mënyrë strikte, mund ta përshtatni për qëllimet tuaja. Këshillohet të përfshini pikat e mëposhtme në listë: Emri i substancës ose procesit / Kimikatet që përmbahen / Numri CAS / Numri EC / Sasia dhe ku ruhet / Përdorimet e parashikuara në kompani / Informacioni i rrezikut / detajet e furnizuesit / nëse LDS-të janë të disponueshme.</i>			
	INSPEKTIMI I LOKACIONIT / VENDEVE TË PUNËS			
	<i>* Gjatë vizitës në vendet e punës, do t'ju duhet të mbani shënime. Është më e lehtë të mbahen shënime të strukturuar. Për shembull, përdorni formularët e inspektimit. Merrini me vete. Përmbajtja e formularëve të inspektimit varet nga vendi i punës që do të vizitoni. Nëse nuk keni formularë inspektimi, përgatitni formularë të mirë dhe lehtësisht të kuptueshëm (p.sh. duhet të përfshihet vendi i inspektimit, data/ora, ekipi i inspektimit dhe të punësuarit e inspektuar, lista e substancave dhe përzierjeve kimike që përdoren në kompani, PPM-të që kërkohen për të kryer detyrën/punën, etj.).</i> <i>* Gjatë vizitës në lokacion / vendin e punës kushtoni vëmendje nëse substancat dhe përzierjet kimike trajtohen, ruhen dhe asgjësohen siç duhet.</i> <i>* Kontrolloni enët e substancave dhe përzierjeve kimike për të siguruar që paketimet janë etiketuar qartë dhe etiketat nuk dëmtohen. Vlerësoni nëse kimikatet e rrezikshme ruhen siç duhet dhe enët nuk rrjedhin.</i>			

	* Vëzhgoni procesin e asgjësimit të mbeturinave dhe sigurohuni që ndiqen procedurat standarde të operimit. * Kontrolloni nëse të gjithë të punësuarit përdorin PPM të përshtatshme dhe janë trajnuar për procedurat emergjente. * Jepni shembullin tuaj, përdorni PPM-të në varësi të kimikateve dhe faktorëve të riskut që ekzistojnë në lokacion / vendet e punës! * Merrni shënime (duke plotësuar formularët e inspektimit) të vendeve të vëzhguara të punës dhe bëni fotografi të vendeve ku përdoren dhe/ose ruhen kimikatet. * Kushtojini vëmendje shembujve të mirë dhe jo të mirë. * Bisedoni me të punësuarit, tregohuni miqësorë, shpjegoni dhe këshillojini ata për rregullat e përgjithshme të sigurisë në punë me kimikate.			
1.	A janë etiketuar qartë kimikatet (a kanë etiketat emrin e substancave kimike ose emrin tregtar të përzierjeve, piktograme të rrezikut, deklaratat e riskut dhe të sigurisë)? Nëse kimikatet janë etiketuar si të rrezikshme, a janë piktogramet në etiketa në pajtim me legjislacionin? Rregullore (MPMS) Nr.10/2017, Nenet 6.2.7; 10.1.2 Ligji Nr.04/L-197 për kimikate, Neni 27 * Vizitoni të gjitha vendet e punës ku përdoren kimikatet; kushtojini vëmendje etiketave. Verifikoni informacionin e disponueshëm vizual për etiketat.  * Verifikoni që informacioni i dhënë për etiketat është në gjuhën që punëtorët e kuptojnë (Shqip dhe Serbisht). * Shembuj të etiketave për substanca dhe përzierje kimike janë dhënë në shtojcën e kësaj liste kontrolli.			

	* Për të identifikuar se cilat etiketa duhet të përdoren, kontrolloni listën teknike të sigurisë të materialit (LTS) të substancave dhe përzierjeve kimike të përdorura / ruajtura. Krahasoni nëse etiketat në LTS janë të njëjta me ato që shfaqen në enë. Nëse nuk ka dokumente të të dhënave për sigurinë materiale të substancave dhe përzierjeve kimike, kërkojini këto dokumente nga furnizuesi, distributori, ose dyqani (kjo është pa pagesë). * Nëse ruhen sasi të mëdha të substancave ose përzierjeve të rrezikshme, shenjat dhe etiketat duhet të vendosen pranë zonës së ruajtjes ose në derën që çon në dhomën e ruajtjes. * Të gjithë të punësuarit që punojnë me substanca dhe përzierje kimike duhet të kuptojnë domethënien e piktogrameve dhe informacionin për etiketat. Kërkojuni atyre t'i shpjegojnë piktogramet në paketim në vendin e tyre aktual të punës. Nëse ata nuk i dinë, përfshijeni këtë temë në trajnimin e ardhshëm për SSHP. Shënim: Një kimikat mund të ketë më shumë se një rrezik që shoqërohet me të! Prandaj, është e rëndësishme t'i regjistroni dhe t'i dini të gjitha rreziqet. Për shembull, acetoni është shumë i ndezshëm, një irritues i fortë në sy dhe shkakton përgjumje ose marramendje.			
2.	A janë qartë të dukshme për punëtorët etiketat në enët e kimikateve të përdorura për punë ose ruajtje? Rregullore (MPMS) Nr.04/2016, Shtojca III, Nenet 1, 2, 5 Rregullore (MPMS) Nr.10/2017, Nenet 6, 10.1.2			
3.	A janë të vendosura kimikatet në enë të përshtatshme (shishe, kova, etj.) për përdorimin dhe ruajtjen e tyre? Rregullore (MPMS) Nr.10/2017, Nenet 6.2.7, 10.1.2 Ligji Nr.04/L-197 për kimikate, Neni 24 * Kontrolloni të gjitha vendet e punës ku përdoren kimikatet; kontrolloni për ndonjë rrjedhje. * Verifikoni nëse paketimi i kimikateve është i mbyllur mirë kur substanca ose përzierja nuk është në përdorim.			

	* Verifikoni nëse kimikatat nuk përdoren dhe ruhen në paketimin e përdorur zakonisht për ushqim, ushqim kafshësh, artikuj mjekësorë dhe kozmetikë. * Nëse të punësuarit i kullojnë ose transferojnë substancat nga ena e tyre origjinale në enë më të vogla për përdorim në vendin e punës, ose përziejnë substanca në enë në vendin e punës për përdorimin e tyre, etiketat duhet të deklarojnë produktin ose emrin kimik dhe të përfshijnë një piktogram të rrezikut dhe deklaratë të rrezikut që pasqyron klasifikimin e substancës. * Nëse hasni në një vend të punës ku ndonjë i punësuar nuk i ndjek rregullat e trajtimit të sigurt të kimikateve, kushtojini menjëherë vëmendje gabimeve të tyre. Përfshini temën mbi punën e sigurt në trajnimet e ardhshme për SSHP. Shënim: Kimikatat duhet të ruhen në enë origjinale. Nëse kimikatat nuk ruhen në enë origjinale, sigurohuni që enët e ruajtjes të jenë të përshtatshëm. Të gjitha enët që mbajnë substanca të rrezikshme duhet të etiketohen, përfshirë enët e mbeturinave të rrezikshme. Materialet e rrezikshme ruhen vetëm në pako ose enë të mbyllura.			
4.	A ka kimikate që nuk mund t'i identifikoni? Rregullore (MPMS) Nr.10/2017, Neni 6.1 * Këto mund të jenë kimikate ku etiketa nuk është e dukshme ose e bashkangjitur në enë, ose ku kimikatat ruhen në një enë të pa shënuar. * Nëse gjeni kimikate “të panjohura”, përfshijini në shënimet tuaja (formularët e inspektimit) në mënyrë që të dokumentohet vendndodhja e tyre. Ju duhet të merrni masa që këto kimikate të panjohura të largohen në mënyrë të sigurt nga vendet e punës. * Mos harroni: kurrë nuk është e sigurt të përdorni kimikate nëse ju ose të punësuarit tuaj nuk jeni të sigurt se çfarë janë!			
5.	A është sasia e kimikateve të pranishme në vendin e punës në proporcion me sasinë e substancave të nevojshme për të kryer detyrat e një dite? Rregullore (MPMS) Nr.10/2017, Neni 6.2.6			

	* Kontrolloni të gjitha vendet e punës ku përdoren kimikatat; Sigurohuni që nuk ruhen sasi të mëdha të kimikateve në vendet e punës. Një dhomë apo vend i veçantë duhet të sigurohet për ruajtjen e kimikateve. * Është praktikë e mirë që në vendin e punës të ruani vetëm sasinë e kimikateve që mund të përdoren gjatë një dite pune.			
6.	A ruhen kimikatat e rrezikshme në zona të ftohta dhe të ajrosura mirë? A konsiderohet pajtueshmëria e produkteve të rrezikshëm kur ruhen? Nëse ka lëngje të ndezshme, a janë larg burimeve të ndezjes? Rregullore (MPMS) Nr.10/2017, Nenet 6.2.7, 7.6 * Kimikatat nuk duhet të ruhen asnjëherë në lokacione të caktuara, përfshirë shkallët, korridoret, daljet dhe rrugët emergjente, trotuaret e ngushta dhe oborret e ndërtesave. * Dhomat e ruajtjes duhet të kenë një sistem ventilimi për të siguruar që nuk krijohen kushte të rrezikshme për të punësuarit gjatë funksionimit normal dhe në rast të një rrjedhje të produktit të parrezikshëm. * Ventilimi natyral është i mundur nëse madhësia dhe vendndodhja e hapjeve sigurojnë një qarkullim të mjaftueshëm të ajrit.			
7.	A lexohen lehtë shenjat paralajmëruese në zona të rrezikshme? Rregullore (MPMS) Nr.10/2017, Neni 10.3 Shqyrtuar së bashku me pyetjen nr.18			
8.	A mbliidhen dhe largohen në mënyrë sistematike nga vendet e punës paketimet e zbrazëta të kimikateve të përdorura? Rregullore (MPMS) Nr.10/2017, Nenet 6.2.7, 7.6 * Verifikoni nëse paketimet e zbrazëta të kimikateve të përdorura grumbullohen në mënyrë sistematike (të paktën një herë në ditë) dhe largohen nga vendet e punës. * Shënim: Paketimet e përdorura dhe mbeturinat e kimikateve të rrezikshme duhet të asgjësohen në një zonë të veçantë për mbeturina të rrezikshme.			

	<i>* Enët e zbrazëta të pa pastruara dhe enët pjesërisht të zbrazëta kërkojnë vëmendje të veçantë, si për shembull, mund të formohen përzierje eksplozive gaz-ajër kur lëngjet e ndezshme janë brenda këtyre enëve. Prandaj, këto enë duhet të trajtohen sikur të ishin plot, por duhet të ruhen veçmas nga enët tjera dhe të etiketohen qartë.</i>			
9.	A janë të disponueshme Listat Teknike të Sigurisë (LTS) dhe a kanë qasje të lehtë të punësuarit në to? Rregullore (MPMS) Nr.10/2017, Neni 10 Rregullore EC RVAKK Nr.1907/2007, Neni 35 <i>* Të gjithë të punësuarit duhet të dinë se ku ndodhen dokumentet e të dhënave të sigurisë dhe ato duhet të jenë të disponueshme për ta.</i> <i>* Të gjithë të punësuarit duhet të dinë se çfarë lloj informacioni mund të gjejnë në LTS.</i> <i>* Informacioni mbi rreziqet, ndihmën e parë, ruajtjen dhe trajtimin, PPM-të, duhet të përfshihet në udhëzim dhe të punësuarit duhet të kenë trajnime për këto tema.</i>			
10.	A ofrohen pajisje dhe mjete të nevojshme për përdorim të sigurt të kimikateve (p.sh. ventilatorë, pompa, mjete për mbledhjen e derdhjeve dhe rrjedhjeve të kimikateve)? Rregullore (MPMS) Nr.10/2017, Nenet 6.2.2, 6.2.5, 7.7, 8 <i>* Të gjithë të punësuarit e përfshirë në punën me kimikate duhet të dinë se ku ndodhen pajisjet e përshtatshme për t'iu përgjigjur fillimisht një incidenti kimik, për shembull material absorbues për të ndalur një derdhje të lëngjeve. Pyeti ata, nëse e dinë? Nëse ata nuk janë të vetëdijshëm, përfshijeni këtë temë në trajnimin e ardhshëm për SSHP.</i> Shënim: <i>* Pajisjet duhet të jenë të vendosura në mënyrë që të jenë lehtësisht të arritshme për të gjithë punëtorët.</i> <i>* Pajisjet e sigurisë për përdorim të kimikate të rrezikshme duhet të jenë në përputhje me kimikatet e rrezikshme me të cilat mund të bien në kontakt. Për</i>			

	<i>shembull, aparatet kundër zjarrit me ujë nuk duhet të përdoren në shuarjen e zjarreve të vajrave.</i>			
11	A janë pajisur të punësuarit me PPM adekuate dhe të përshtatshme? Rregullore (MPMS) Nr.10/2017, Nenet 6.2.2, 6.2.5, 7.7 Rregullore (MPMS) Nr.02/2016, Nenet 6.3.1, 6.3.2, 7.1.3 <i>* Për shembull, nëse të punësuarit transferojnë ose hollojnë kimikate, duhet t'u siguron dorezat dhe syzet e sigurisë falas, dhe punëtorët duhet t'i përdorin. Pyetni të gjithë të punësuarit që nuk i përdorin PPM-të, se cilat janë arsyet e mospërdorimit të PPM-ve?</i> <i>* Kontrolloni nëse të punësuarit përdorin PPM të sakta sipas udhëzimeve tuaja, p.sh. nëse i punësuarit është i ekspozuar ndaj komponimeve organike të paqëndrueshme (p.sh. moleri), kontrolloni nëse respiratori ka filtër tip A ose Ax (Iloji i filtrit ABEK mbulon grupe të ndryshme të kimikateve); nëse i punësuarit është i ekspozuar ndaj pluhurit: duhet të përdoren filtrat P1 ose P2, ose P3; nëse i punësuarit është duke punuar me kimikate, kontrolloni nëse materiali i dorezave është mbrojtës ndaj grupit të veçantë kimik.</i> Shënim: PPM-të kur punoni me kimikate përfshijnë, por pa kufizim, pantallona të gjera, përparëse, këpucë, doreza, gota rezistente kimike, mbrojtje të fytyrës dhe respiratorë.			
12	A janë shënuar qartë zonat/detyrat e përcaktuara për përdorim të PPM-ve? Rregullore (MPMS) Nr.10/2017, Neni 10.3 Shqyrtuar së bashku me pyetjen nr.18			
13	A janë të punësuarit të informuar/trajnuar pse duhet t'i përdorin PPM-të? Rregullore (MPMS) Nr.10/2017, Neni 10.1.3 Rregullore (MPMS) Nr.02/2016, Neni 8.2			

	<i>Pyetni të gjithë të punësuarit kur dhe pse duhet t'i përdorin PPM-të (p.sh. kur dhe pse duhet të përdorni dorëza, ose kur do të punoni me ndonjë kimikat, çfarë dorëze do të vishni, ku janë këto dorëza), dhe çfarë PPM duhet të përdorin. Nëse ata nuk janë të vetëdijshëm, përfshijeni këtë temë në trajnimin e ardhshëm për SSHP.</i>			
14	A janë shënjuar dhe a janë të disponueshme objektet e ndihmës së parë? Rregullore (MPMS) Nr.10/2017, Neni 8 * Kontrolloni nëse mund t'i shihni shenjat e sigurisë për objektet e ndihmës së parë nga disa pika të lokacionit. Nëse nuk mund t'i shihni shenjat, pyetni 2-3 punëtorë se ku ndodhen objektet e ndihmës së parë. * Verifikoni nëse larja e syve dhe dushet janë në gjendje pune dhe lehtësisht të arritshme kur kërkohet.			
	 <i>Dushi i sigurisë</i>  <i>Pastrues për sy</i>			
	INSPEKTIMI I DOKUMENTEVE NË ZYRË			
	* Nëse keni një ofrues të jashtëm të shërbimit të SSHP-së ose ekspertin tuaj për SSHP, takohuni me të/ata; * Ftoni përfaqësuesin e të punësuarve të marrë pjesë në kontrollimin e dokumenteve.			
15	A është përfshirë vlerësimi i riskut të substancave dhe përzierjeve kimike të përdorura në vlerësimin e riskut në vendin e punës? Rregullore (MPMS) Nr.10/2017, Neni 5 * Kontrolloni dokumentin e vlerësimit të riskut për të identifikuar nëse substancat dhe përzierjet kimike vlerësohen veçmas për secilin proces teknologjik (p.sh. ngjyrosje, pastrim, saldim etj.).			

	<i>* A vlerësohen kimikatet sipas rrugës së hyrjes në trup (p.sh., nga frymëmarrja, qëllitja, thithja përmes lëkurës), diskutoni me ekspertin për SSHP.</i> <i>* A keni përgatitur dhe a mbani një inventar të të gjitha substancave të rrezikshme të përdorura dhe të ruajtura në kompaninë tuaj, përfshirë mbeturinat e rrezikshme?</i> <i>Shënim: Kur identifikoni rreziqet në vendin tuaj të punës, mendoni për: sasinë e substancës së rrezikshme që keni në vendin e punës; çfarëdo rreziku fizik ose kimik të lidhur nga reaksionet e mundshme me substanca të tjera; burimet e ndezjes; strukturat e impiantit ose sistemet e punës të përfshira në përdorimin, trajtimin, prodhimin ose ruajtjen e substancave; punën e kryer nga të punësuarit me substancën, rrezikun e ekspozimit ndaj saj dhe shkallën e mundshme të ekspozimit, dhe çdo standard të caktuar të ekspozimit ose interval të kufizuar të hyrjes së substancës.</i>			
16	A është marrë parasysh informacioni i disponueshëm nga LTS-të për substancat dhe përzierjet kimike në vlerësimin e riskut në vendin e punës? A është përfshirë në udhëzimin për siguri në punë informacioni për përdorimin e sigurt të kimikateve i paraqitur në LTS? Ligji Nr.04/L-197 për kimikatet, Neni 33 Rregullore (MPMS) Nr.10/2017, Neni 5 <i>* Kontrolloni dokumentet, zgjidhni 5 - 8 LTS të kimikateve ose përzierjeve kimike të përdorura gjerësisht (me klasifikime të ndryshme) në kompaninë tuaj, verifikoni nëse informacionet për p.sh. kufizimet ose/dhe kërkesat për trajtimin ose ruajtjen (seksioni 7 i LTS); kërkesat për ventilim, masat e sigurisë, PPM (seksioni 8 i LTS) përfshihen në udhëzimet e sigurisë në punë.</i> <i>* Nëse informacioni ndryshon ose nuk përfshin rreziqe të rëndësishme (p.sh., ju përdorni kimikate sensitive në proceset teknologjike, por udhëzimi shpjegon punën e sigurt vetëm me baza dhe acide), rishikoni dhe përmirësoni udhëzimet. Kryeni një informim të përsëritur dhe trajnimin e të punësuarve pas rishikimit.</i>			
17	A janë marrë masa për të zvogëluar dhe parandaluar rreziqet kimike? A keni vlerësuar nëse rreziqet mund të shmangen ose të reduktohen në mënyrë të			

	mjaftueshme nga mjetet teknike të mbrojtjes kolektive ose nga masat, metodat ose procedurat e organizimit të punës? Rregullore (MPMS) Nr.10/2017, Nenet 6, 7, 8. * <i>Kontrolloni dokumentin e vlerësimit të riskut për të identifikuar nëse mund të zbatohen masa të tjera parandaluese, diskutoni me ekspertin për SSHP.</i> Verifikoni: * <i>a keni procedura për situata të mundshme emergjente?</i> * <i>a keni pajisje emergjente që mund të kërkohen në vendin e punës (p.sh., materiali absorbues i përshtatshëm për kimikatet që mund të derdhen; aparatet kundër zjarrit; agjentët neutralizues si gëlqerja dhe hiri i sodës; pompa dhe gypa të përshtatshëm për heqjen e materialit të derdhur; kutitë e ndihmës së parë; dushet e emergjencës dhe stacionet e larjes së syve; vegla dore të tilla si leckë, kova, shtrydhëse dhe kosha; veshje dhe pajisje mbrojtëse të përshtatshme për të mbrojtur sigurinë dhe shëndetin e personelit të përfshirë në pastrim)?</i> * <i>a keni shenja të duhura sigurie në vendet e punës nëse është e nevojshme?</i> * <i>a keni ventilim shkarkues nëse është i nevojshëm (a mirëmbahet rregullisht)?</i>						
18	A janë vendosur shenjat e sigurisë (shenjat paralajmëruese, shenjat e detyrueshme) në përputhje me vlerësimin e riskut në vendin e punës? Rregullore (MPMS) Nr.10/2017, Neni 10.3 Rregullore (MPMS) Nr.04/2016, Neni 4.3						
	 Material i ndezshëm ose temperaturë e lartë	 Material shpërthyes	 Material toksik	 Material korroziv			

	 Rrezik i përgjithshëm	 Material oksidues	 Duhet të përdoren çizmet e sigurisë	 Duhet të përdoren dorezat e sigurisë			
	 Duhet të përdoren pajisjet për mbrojtjen e veshëve	 Duhet të përdoren pajisjet për frymëmarrje	 Duhet të vishen veshjet mbrojtëse për tërë trupin	 Duhet të përdoret pajisja për mbrojtjen e fytyrës			
	 Duhet të përdoret pajisja për mbrojtjen e syve						
19 .	A i përfshijnë shënimet e trajnimit efektet shëndetësore, kontrollet, metodat e sigurta të punës dhe pajisjet/veshjet personale mbrojtëse?						
	Rregullore (MPMS) Nr.10/2017, Neni 10						
20 .	A janë të trajnuar të punësuarit për rreziqet e trajtimit dhe përdorimit të kimikateve dhe përzierjeve?						
	Rregullore (MPMS) Nr.10/2017, Neni 10 <i>Kontrolloni dokumentet. Verifikoni nëse ka udhëzime për trajtimin e emergjencave në udhëzimin e sigurisë në punë dhe nëse të punësuarit janë të trajnuar.</i>						

21	A janë kryer matje të kimikateve në ajrin e vendit të punës? A janë krahasuar rezultatet me vlerat kufitare të ekspozimit në punë? Rregullore (MPMS) Nr.10/2017, Neni 4			
22	A janë identifikuar në vlerësimin e riskut agjentët e rrezikshëm kimikë që mund të lidhen me sëmundje të identifikueshme ose efekte të dëmshme shëndetësore? Rregullore (MPMS) Nr.10/2017, Neni 12 <i>Kontrolloni dokumentet. Klasifikimi i kimikateve, kohëzgjatja e ekspozimit dhe përqendrimi në ajrin e vendit të punës merren parasysh për të identifikuar rrezikun.</i>			
23	Nëse vlerësimi i riskut ka përcaktuar se kimikatet mund të kenë ndikim në shëndet, a dërgohen të punësuarit në kontrole të detyrueshme shëndetësore? Rregullore (MPMS) Nr.10/2017, Neni 12 <i>Kontrolloni dokumentet. Kontrolli fillestar mjekësor i të punësuarit duhet të bëhet menjëherë pas punësimit. Kontrolli tjetër shëndetësor duhet të bëhet në përputhje me rreziqet e kimikateve, kohëzgjatjen dhe nivelin e ekspozimit dhe shkallën e riskut.</i>			
PAS VETË-VLERËSIMIT				
	* Diskutoni me menaxhmentin e lartë për vëzhgimet dhe konkluzionet tuaja për përmirësimet e nevojshme; * Diskutoni me menaxherët e nivelit të mesëm të lokacionit/vendit të punës së vizituar për vëzhgimet dhe konkluzionet tuaja për përmirësime. * Në rast se keni një ofrues të jashtëm të shërbimit të SSHP-së ose ekspert të SSHP-së, diskutoni me të për vëzhgimet dhe konkluzionet tuaja për përmirësime. <i>Zbatoni masat e nevojshme të kontrollit të identifikuar gjatë vetë-vlerësimit.</i>			

Shtojca:

Shtojca:	Komente
Chemical name and product identifier Acetone EC No. 200-662-2 ABC Chemicals Main Street Anytown Tel. 0123 456 789 Name, address and telephone number of supplier Danger Highly flammable liquid and vapour. Causes serious eye irritation. May cause drowsiness or dizziness. Keep away from heat / sparks / open flames / hot surfaces – No smoking. Avoid breathing vapours. Wear protective gloves / eye protection. IF IN EYES: Rinse cautiously with water for several minutes. Remove contact lenses, if present and easy to do. Continue rinsing. Store in a well-ventilated place. Keep container tightly closed. Signal word Hazard and precautionary statements Repeated exposure may cause skin dryness and cracking. 500 ml Nominal quantity Pictograms Supplementary information	Shembulli i etiketës për substanca
Trade name SuperClean Pictograms Warning Causes serious eye irritation. Keep out of reach of children. Wear protective gloves / face protection. IF IN EYES: Rinse cautiously with water for several minutes. Remove contact lenses, if present and easy to do. Continue rinsing. Contains Anionic surfactant <5%. Signal word Hazard and precautionary statements Super Cleaning Company New Works, Factory Road Anytown Tel. 0987 654 321 Name, address and telephone number of supplier Use instructions Apply to surfaces using a damp cloth Identity of hazardous components 500 ml e Nominal quantity	Shembulli i etiketës për përzierje

